

Tɔnɔ kuls Pooli na pɔpɔnti o pa
KORɛNTI TIINɛ
 O ki bile tɪn

Tɔnɔ kuls Pooli na pɔpɔnti o pa Korɛnti tiinɛ o ki bile
 tɪn na bri dibam kuls tɪn mu tɪntu

Ku loori Pooli na pɔpɔnti tɔnɔ kum kuntu o pa WE
 nɔɔna balu na wu Korɛnti ni tɪn, ba wu nɔɔna badaara
 ya cɔgti Pooli wu, yi ba vin ni Pooli stɪnti o yi Zezi Krisi
 tintuɔnɔ.

Pooli nan kaant-ba, yi o pa ba lwarti ni o soe-ba yi o
 lagt si ba fɔgti daant.

O de yigə o bri o na yaart te, di WE na zən-o te tɪn
 (1:1-11).

O laan ma bri cam dilu na wu wum di bantɔ titart
 ni tɪn woɔo, di Zezi na pɛ-o ni si o ma kaant-ba te tɪn. O
 bri-ba kuntɔ, beɔnwaant o ya maɔt o bwɛ-ba zanzan tɔnɔ
 kudonɔ wɔnti, yi o nan jɔgti wɔpolo zanzan di o bwɛm dɪm
 na pɛ ba ləni ba wuru ba yagt kam-balwaarɔ tɪn (1:12—
 7:16).

Pooli ɔɔɔnti səbu-lɪɔ woɔo ba na ki WE nɔɔna balu na
 zɔbrɪ Zude ni yi ba yi yinigə tiinɛ tɪn ɔnwaant. O loori-ba
 si ba pa di ba wu-yoɔo mu (pɔɔrtɪm 8-9).

Pooli laan ma bagɪ balu na ba sɛ ni wum yi WE
 tintuɔnɔ tɪn, o bri ni nɔɔna bam kuntɔ fɔgti vwan mu
 (pɔɔrtɪm 10-13).

¹ Amu Pooli wulu WE na kuri di Di titi wɔbuɔa si a
 taa yi Zezi Krisi tintuɔnɔ tɪn mu pɔpɔnti tɔnɔ kuntɔ,
 yi di ko-bu Timoti mu tɔgti o wəli-ni. Di pɔpɔnti si di
 pa abam balu na yi WE kɔɔɔ kum wu nɔɔna yi á zɔbrɪ
 Korɛnti ni tɪn, ku wəli di WE nɔɔna maama balu na
 zɔbrɪ Akayi tɪnti dɪm maama ni tɪn.

² Dí Ko Wɛ dɪ dí Yuutu Zezi Krisi wó pa abam yazurə dɪ yu-yoŋo.

Wɛ na tiini Dɪ zəni dɪbam te tɪn

³ Pa-na dí kɪ Wɛ le. Dɪntɔ mɔ yɪ dí Yuutu Zezi Krisi Ko, yɪ Dɪ yɪ dɪbam Ko wɔɔ na jɪgtɪ dɪbam ŋwaja tɪn. Dɪ maa yɪ Wɛ dɪɔ na zəni nɔɔna sɪ ba bɪcara taa zurə maŋa maama tɪn. ⁴ Dí na wɔ yaara yalɔ maama wɔntɪ, dɪntɔ mɔ yəni Dɪ pa dí bɪcara zurə, sɪ kɔ pa dí wantɪ dí zəni balɔ dɪ na wɔ yaara dwi maama wɔntɪ tɪn sɪ ba dɪ bɪcara taa zurə, nɪ Wɛ na zəni dɪbam dɪ te tɪn. ⁵ Zezi Krisi na yaari zanzan tɪn, dɪbam dɪ tɔgtɪ dí na yaara yantɔ doŋ mɔ. Dí nan na ŋwɪ dɪd-o tɪn, dí ta wó tɔgtɪ dí na zənə Wɛ tee nɪ, nɪnɛɛntɪ Dɪ na zəni Zezi Krisi lanytrantɪ te tɪn. ⁶ Kuntɔ ŋwaantɪ, dɪbam na wɔ yaara wɔntɪ, kɔ yɪ sɪ kɔ zəni abam mɔ sɪ á bɪcara taa zurə, sɪ á daari á taá tɔgtɪ Wɛ cwəŋə lanytrantɪ. Wɛ nan na pɛ dɪbam dɪ bɪcara zurə, kɔ yɪ sɪ abam dɪ na zənə yantɔ doŋ mɔ, sɪ á wantɪ á na dam á wɔ á wɔ á zɪgtɪ kəŋkəŋ yaara yam wɔntɪ, nɪ dɪbam dɪ na nɛ yaara te tɪn. ⁷ Kuntɔ, dɪbam jɪgtɪ tɪna dɪ abam, bɛŋwaantɪ dí ye nɪ, abam na tɔgtɪ á na dɪbam yaara yam doŋ tɪn, á dɪ wó tɔgtɪ á na zənə Wɛ tee nɪ.

⁸ Dí ko-biə-ba, dí lagɪ dí pa abam lwartɪ yaara yalɔ maama dí na nɛ Azi tɪntɪ dɪm nɪ tɪn mɔ. Dí na nɛ cam dɪɔ tɪn tiini dɪ dana dɪ dwe dɪbam, yɪ dí yaá bɔŋɪ nɪ dí wó ga dí ŋwɪa. ⁹ Dí nan na zɪgtɪ tɔntɪ yigə nɪ kuntɔ tɪn, kɔ yɪ sɪ kɔ pa dí daa yɪ taá tɪgtɪ dí tɪtɪ dam mɔ, sɪ dí daari dí kɪ dí wɔ-dɪɔba dɪ Wɛ dɪɔ na jɪgtɪ dam Dɪ patɪ nɔɔna bi ba yagɪ tɔntɪ tɪn. ¹⁰ Wɛ nan mɔ vrɪ dɪbam yaara yalɔ na cana nɪ tɔntɪ te tɪn wɔntɪ, yɪ Dɪ ta wó vrɪ dɪbam kuntɔ doŋ mɔ. Dí maa jɪgtɪ tɪna Wɛ tee nɪ, nɪ Dɪ ta wó vrɪ dɪbam tɔntɪ jɪŋa nɪ. ¹¹ Abam nan wó zəni dɪbam dɪ á na wó loori Wɛ á pa dɪbam tɪn. Kuntɔ,

nɔɔna zanzan na loori WE, ku pa dí na zənə, ku nan wú pa nɔɔna zanzan dɪ kɪ WE le, dɪ Dɪ na jonɪ ba loro kum ba na loori dɪbam ɲwaant tɪn.

Wojo kɪlɪ ɲwaant Pooli na ləni o wɔbɔɲa sɪ o daa yɪ ve ba te tɪn

¹² Dɪbam na jɪgt wɔpolo tɪn, ku yɪ sɪ dí ye dí bɪcart nɪ, nɪ dí tɔgt cwəɲə dɪ wɔ-pɔɲo mɔ, dɪ dí na brɪ dí wɔ dɪ abam te tɪn. Ku nan yɪ WE mɔ zəni dɪbam yɪ dí yɪ kɔntɔ. Ku dai dɪ nabiinə swan, ku yɪ WE zaant dɪm ɲwaant mɔ dí tɔgt cwəɲə kɔntɔ doɲ nɔɔna maama yigə nɪ, ku na dwe dɪdɪ abam yigə nɪ. ¹³ Dí na pɔpɔnt kɪlɪ dí pa abam tɪn ba jɪgt wo-səgɪru. Á wú want á karɪmɪ yɪ á ni tɪ kuri. ¹⁴ Abam nan ni dɪbam na kɪ kɪlɪ tɪn finfɪn yɪrant mɔ. Amɔ nan jɪgt tɪna nɪ á wú ba á ni ku kuri fast fast, sɪ dɛ dɪm dí Yuutu Zezi Krisi na wú joori o ba tɪn, sɪ abam laan taá jɪgt wɔpolo dɪbam ɲwaant, nɪ dɪbam dɪ na jɪgt wɔpolo dɪ abam te tɪn.

¹⁵⁻¹⁶ Amɔ na tiini a jɪgt abam cɪga kɔntɔ tɪn, a ya dɛ yigə a bɔɲɪ sɪ a ba abam te mɔ, sɪ a daart a kɛ a vu Masɪdɔvant, sɪ a na zɪgt da a maa joorə, sɪ a daa ta tɔgt á te, sɪ ku pa á na zənə kuni bɪle. Kɔntɔ á laan ya wú want á wəli-nɪ sɪ a kɛ a vu Zude. ¹⁷ Amɔ na bɔɲɪ sɪ a ba yɪ a wɔ want a na cwəɲə tɪn, á pat sɪ amɔ yɪ niə yale yale tu mɔ na? Amɔ na yəni a bɔɲɪ sɪ a kɪ kəm dɪlɔ tɪn, á pat sɪ ku yɪ amɔ tɪtɪ yɪrant zənə ɲwaant mɔ na? Abam bɔɲɪ nɪ amɔ yɪ wɔlɔ na yəni o wɪ ɛɛn yɪ o joori o wɪ aye tɪn mɔ na? ¹⁸ WE nan yɪ cɪga tu yɪ Dɪ ye nɪ dɪbam na tɛ kɪlɪ dí brɪ abam tɪn dat niə yale, nɪnɛɛnɪ ɛɛn dɪ awo na gwaant daant te tɪn. ¹⁹ Dɪbam nan na brɪ abam WE cɪga kam te tɪn, amɔ dɪ Siliven dɪ Timoti pɛ á lwart Zezi Krisi wɔlɔ na yɪ WE Bu wɔm tɪn na yɪ te. Wɔntɔ dat niə yale yale tu. Wɔntɔ nan mɔ yɪ wɔlɔ na wɪ ɛɛn

yirant tɪn. ²⁰ Zezi na wɪ ɛɛn tɪn, dɪ maɲɪ sɪ dɪ lwarɪ nɪ WE na goni ni sɪ Dɪ kɪ kʊɓ maama Dɪ pa dɪbam tɪn yɪ cɪga mʊ. Kuntʊ ɲwaant mʊ, dɪ na yəni dɪ warɪ WE, dɪ tɔɟɪ Zezi Krisi ɲwaant dɪ wɪ «Amina», sɪ kʊ pa WE taa jɪɟɪ zulə dɪbam tee nɪ.

²¹ Kʊ yɪ WE mʊ paɪ dɪbam dɪ abam maama zɪɟɪ kəɲkəɲ Zezi Krisi tɔɟɪm dɪm wɔnɪ. Kʊ ta yɪ dɪntʊ mʊ kuri dɪbam sɪ dɪ taá yɪ Dɪ tɪntʊɲna. ²² WE ma kɪ Dɪ Joro kʊm dɪ bɪcara nɪ sɪ kʊ brɪ nɪ dɪ yɪ Dɪ nɔɔna. Dɪ Joro kʊm ma pa dɪ da yigə dɪ lwarɪ nɪ dɪ laan wú ba dɪ na WE wo-laarʊ tɪɓ maama Dɪ na tiɲi dɪbam ɲwaant tɪn.

²³ WE mʊ yɪ amʊ maana tu. Amʊ na tɛ kʊɓ tɪn na yɪ vwan, sɪ Dɪ ɟʊ-nɪ. Amʊ na joori a ləni a wɔbɔɲa sɪ a daa yɪ ba abam te Korɛnti nɪ tɪn, kʊ yɪ sɪ a yɪ ba a pa á daa na wɔ-cɔɟɔ mʊ. ²⁴ Kʊ nan dat nɪ dɪbam yɪ balʊ na wú fɪn abam dɪ á na maɲɪ sɪ á kɪ á wɔ-dɪdʊa dɪ WE te tɪn, bɛɲwaant abam maɲɪ á sɛ-Dɪ dɪ pu-dɪa. Dɪ nan yɪ balʊ na wú wəli dɪ abam dɪ tʊɲɪ, sɪ á taá jɪɟɪ wɔpolo WE ɲwaant tɪn mʊ.

2

¹ Mʊ kʊ kuri a joori a bɔɲɪ a wɔnɪ, sɪ a daa yɪ ba abam te, sɪ kʊ yɪ pa wɔ-cɔɟɔ daa ta wɔra. ² Abam mʊ yɪ balʊ na wú want á pa amʊ taa jɪɟɪ wɔpolo tɪn. Kuntʊ, amʊ na tu abam te, yɪ kʊ pa á wɔ cɔɟɪ, nɔɔn-nɔɔnʊ daa bá ta wɔra o na wú want o pa a na wɔpolo. ³ Kʊ yɪ kuntʊ ɲwaant mʊ a ya pɔpɔnɪ tɔnɔ kʊm a pa abam. Amʊ dɛɛn ba lagɪ sɪ a ba abam te, sɪ kʊ pa amʊ wɔ cɔɟɪ dɪ abam. Kʊ nan maɲɪ sɪ á taá yɪ balʊ na paɪ amʊ wɔ poli tɪn mʊ. Amʊ nan jɪɟɪ abam cɪga nɪ, amʊ na jɪɟɪ wɔpolo abam dɪ jɪɟɪ wɔpolo mʊ. ⁴ Amʊ dɛɛn na pɔpɔnɪ tɔnɔ kʊm a pa abam tɪn, a wɔ tiini kʊ cɔɟɪ zanzan, yɪ liə jɪɟɪ-nɪ kʊ pa a yi-na nɔɲɪ zanzan abam ɲwaant. Amʊ na pɔpɔnɪ te

tɪn, kʊ daɪ sɪ kʊ pa á wʊrʊ cɔɣɪ. Kʊ nan yɪ sɪ á want á lwart amʊ na tiini a soe abam kʊ ja gaalt te tɪn mʊ.

Á maɲɪ sɪ á yagɪ á ma cɛ wʊlʊ na kɪ o cɔɣɪ tɪn

⁵ Nɔɔnʊ wʊlʊ na kɪ o cɔɣɪ tɪn, kʊ daɪ amʊ yɪrant wʊ mʊ cɔɣɪ dɪd-o, kʊ yɪ abam maama mʊ, sɪ a nan yɪ zaɲɪ a ɲɔɔnt a ja gaalt, a ye sɪ abam zanzan wʊrʊ mʊ cɔɣɪ. ⁶ Abam zanzan na pɛ o na cam tɪn, kʊ maɲɪ sɪ á laan yag-o mʊ. ⁷ Á nan maɲɪ sɪ á yagɪ á maa cɛ-o mʊ, sɪ á daart á taá kɪ-o lanyɪrant, sɪ o bɪcart taa zurə. Kʊ na daɪ kʊntʊ, o wʊ na tiini kʊ cɔɣɪ, kʊú pa o wʊbʊɲa vugimi. ⁸ Kʊntʊ ɲwaant a loori abam sɪ á pa o lwart nɪ á so-o. ⁹ Amʊ na pʊpʊnt tɔnɔ kʊm tɪn, kʊ yɪ sɪ a maast abam a nii, á wʊ sɛ á tɔɣɪ amʊ ni dɪm worjo maama baɲa nɪ naa á bá sɛ mʊ. ¹⁰ Abam na yagɪ nɔɔnʊ wʊlʊ kəm á ma cɛ-o, amʊ dɪ wʊ yagɪ a ma cɛ-o mʊ. Kʊ na maɲɪ sɪ a yagɪ a ma cɛ nɔɔnʊ wʊlʊ, kʊ yɪ abam ɲwaant mʊ a kɪ kʊntʊ Zezi Krisi yigə nɪ. ¹¹ Kʊ nan maɲɪ sɪ dɪ duri nɔɔnʊ wʊm ɲwaɲa kʊntʊ, sɪ kʊ yɪ pa sɪtaant na cwəɲə dɪ want dɪbam. Bɛɲwaant dɪ maɲɪ dɪ ye dɪntʊ na bʊɲɪ sɪ dɪ pa dɪbam tʊsi te tɪn.

Liə na jaant Pooli Trʊast nɪ te tɪn

¹² Amʊ na ve a yɪ tɪv kʊlʊ yɪrɪ na yɪ Trʊast sɪ a tɔɔlɪ Zezi Krisi kwər-ywəɲə kam a brɪ nɔɔna tɪn, a nɛ nɪ dɪ Yuutu wʊm ya pɛ-nɪ cwəɲə sɪ a tɔɔlɪ-ka. ¹³ Nan dɪ kʊntʊ dɪ, a wʊ nɛ wʊ-zuru dɪ a na beeri dɪ ko-bu Titi je a ga tɪn. A na wʊ nɛ-o tɪn, a ma bant nɔɔna bam yɪ a daart a kɛ Mastɪbant.

Dɪ na nɛ wɔnɔ Zezi Krisi yɪrɪ ɲwaant te tɪn

¹⁴ Nan pa-na dɪ taá kɪ Wɛ le. Bɛɲwaant dɪntʊ mʊ pat Zezi Krisi wɔnɔ, yɪ dɪ tɔɣɪ o kwaga maɲa maama, sɪ dɪ taá pat nɔɔna lwart Wɛ kwərə kam je maama, nɪnɛɛnɪ

wonjo kulu lwam na ywəna yi di zaŋt di jagt je maama te tɪn. ¹⁵⁻¹⁶ Dɪbam nyɪ di lwam dɪlɔ na ywəna tɪn mɔ Wɛ yigə nɪ, dɪ na brɪ nɔɔna Zezi Krisi cɪga kam tɪn ŋwaantɪ. Dɪbam nyɪ di lwam dɪm kɔntɔ mɔ nɔɔna maama tee nɪ. Ku na yi balɔ na lagt ba ga ba ŋwɪa Wɛ tee nɪ tɪn, lwam dɪm kɔntɔ maa pat ba ye nɪ tɔɔntɪ wɔ ja-ba. Ku nan na yi balɔ Wɛ na vrɪ ba ŋwɪa tɪn, lwam dɪm wɔ ta jɪgt ywəni ba tee nɪ, di pa ba ye nɪ baá na Wɛ ŋwɪ-dɔŋa kam. Wɔɔ mɔ yi si o tɔŋt tɪtɔŋ-kamunu kɔm kɔntɔ? ¹⁷ Nɔɔna zanzan na brɪ Wɛ kwərə kam te tɪn, ba pat ku nyɪ di pipiu mɔ si ba na nyɔɔrɪ ku baŋa nɪ. Dɪbam nan dat kɔntɔ doŋ. Wɛ na tɔŋt dɪbam tɪn, dɪ yəni dɪ kwe dɪ wɔ maama mɔ dɪ maa brɪ Dɪ cɪga kam, bɛŋwaantɪ dɪ zɪgt Wɛ yigə nɪ mɔ dɪ ŋɔɔna, dɪ na yi Zezi Krisi tɪntɔŋna tɪn ŋwaantɪ.

3

Wɛ ni-dɔɔrɪ dɪlɔ Dɪ na goni tɪn na jɪgt dam ku gaalt te tɪn

¹ Abam badaara nan daa ta wɔ bɔŋt nɪ dɪ lagt dɪ brɪ dɪ tɪtɪ mɔ di dɪ na ŋɔɔntɪ te tɪn. Abam nan maŋt á ye dɪbam na yi te, yi á daa wɔ maŋt si á jɔŋi twaanɔ tɪlɔ na brɪ dɪbam cɪga na yi te tɪn nɔɔna badaara tee nɪ. Abam nan wɔ maŋt si á pɔpɔntɪ tɔɔɔ kulu na brɪ dɪbam na yi te tɪn á pa nɔɔn-nɔɔntɔ. Nɔɔna badonnə nan mɔ maŋt si ba kɪ kɔntɔ, si ku dat dɪbam. ² Abam tɪtɪ nan mɔ brɪ dɪbam cɪga na yi te tɪn. Abam nyɪ di tɔɔɔ mɔ te ku na pɔpɔntɪ dɪbam bɪcarɪ nɪ, yi nɔɔna maama wɔ wantɪ ba kartmɪ yi ba kwəri ba lwartɪ tɪn. ³ Abam na jɪgt á ŋwɪa te tɪn nyɪ di tɔɔɔ mɔ Zezi Krisi na tɔgt dɪbam ŋwaantɪ o pɔpɔntɪ. O nan na pɔpɔntɪ te tɪn, o mɛ ŋwɪa Tu Baŋa-Wɛ Joro kɔm mɔ o pɔpɔntɪ, si ku dat bərə mɔ o mɛ o

pɔpɔnti. Pɔpɔntim dɪm kuntu nan wɔ kɪ kandwa-ptɛ baɲa nɪ, o pɔpɔnti-di nabiinə bɪcara nɪ mɔ.

⁴ Dɪ ye nɪ kuntu yɪ cɪga mɔ, dɪ Zezi Krisi na pɛ dɪ lwart nɪ Wɛ mɔ tɔŋɪ dɪbam tɪn. ⁵ Kɔ nan daɪ dɪ dɪbam tɪtɪ dam mɔ dɪ wɔ want dɪ ma tɔŋɪ Wɛ tɪtɔŋa yam. Kɔ yɪ Wɛ mɔ paɪ dɪbam dam yɪ dɪ maa tɔŋa. ⁶ Dɪ ma pa dɪ yɪ Dɪ tɪntɔŋna kuntu, sɪ dɪ taá brɪ nɔɔna Dɪ ni-dɔvɪrɪ dɪm Dɪ na goni tɪn na yɪ te tɪn. Dɪ ni-dɔvɪrɪ dɪm kuntu nan ba tɔŋɪ cullu tɪɔ ba dɛɛn na pɔpɔnti tɪn. Dɪntɔ nan tɔŋɪ dɪ Wɛ Joro kɔm dam mɔ. Cullu tɪm nan paɪ tɔvɪnti mɔ nat cwəŋə dɪ jaant nabiinə. Kɔ daart Wɛ Joro kɔm nan mɔ paɪ nabiinə na ŋwɪa Wɛ tee nɪ.

⁷ Kɔ na yɪ Wɛ na kwe Dɪ cullu tɪm Dɪ kɪ Moyisi jɪŋa nɪ sɪ o pa Dɪ nɔɔna bam tɪn, Dɪ dɛɛn pɔpɔnti-tɪ Dɪ kɪ kandwa-ptɛ baɲa nɪ mɔ. Wɛ dɛɛn na kwe-tɪ Dɪ kɪ Moyisi jɪŋa nɪ kuntu tɪn, Dɪ paart-zulə yam maa tiini ya wɔra, yɪ kɔ pa Moyisi yibiyə tiini ka nyɪna. O yibiyə kam nyɪntɪm dɪm na pɪpɪɪ Yɪstrayɛɪɪ tiinə bam yɪə dɪ pa ba wart ba nii o seeni tɪn wɔ ba kɛ. Nan dɪ cullu tɪm na jaant tɔvɪnti mɔ tɪ ba tɪn, tɪ daa ta jɪŋɪ Wɛ paart-zulə. ⁸ Kɔ daart Wɛ Joro kɔm nan na wəli nɔɔna te tɪn laan wɔ pa Wɛ paart-zulə yam tiini ya ja gaalt. ⁹ Wɛ cullu tɪm na brɪ nɪ nɔɔna wɔ ga bɔra Dɪ tee nɪ yɪ tɪ ta jɪŋɪ paart-zulə te tɪn, Wɛ na wəli nɔɔna sɪ ba na cɪga Dɪ tee nɪ te tɪn laan wɔ ta tiini kɔ jɪŋɪ paart-zulə kɔ ja gaalt. ¹⁰ Kɔ na yɪ cɪga tɪn, wɔŋo kɔɔɔ ya na jɪŋɪ zulə tɪn daa ba jɪŋɪ zulə, zɪm wɔŋo kɔm na tiini kɔ jɪŋɪ paart-zulə kɔ ja gaalt tɪn ŋwaant. ¹¹ Wɛ cullu tɪm dɛɛn wɔra dɪ Dɪ paart-zulə yam, yɪ tɪntɔ ba tɪ kɛ. Kɔ daart Dɪ zənə yalɔ na wɔ ta wɔra maɲa maama tɪn wɔ pa Dɪ paart-zulə yam tiini ya ta wɔra ya ja gaalt.

¹² Dɪ na jɪŋɪ tɪna dɪ Wɛ kuntu doŋ tɪn mɔ te dɪ wat

dí brɪ Dɪ ɔɪga kam jaja. ¹³ Dɪbam nan bá səgi kʊlʊkʊlʊ nɪnɛɛnɪ Moyisi dɛɛn na kwe ɡɔɔɔ o ma kwɛli o yɪə tɪn. O dɛɛn kɪ kʊntʊ sɪ Yɪstrayɛlɪ tiinə bam mʊ yɪ taa naɪ o yibiyə kam nyɪntɪm dɪm na wɔra dɪ ti tɪn. ¹⁴ Bantʊ wɔbɔɲa ma tɪ, yɪ kʊ pa ba na karɪmɪ twaanʊ tɪlʊ na brɪ Wɛ dɛɛn na goni ni Dɪ pa Moyisi tɪn, ba wart ba lwart Dɪ ɔɪga kam kuri. Kʊ yɪ nɪnɛɛnɪ ɡɔɔɔ kʊm daa ta mʊ kwɛli ba yɪə dɪ zɪm maama. Kʊ nan yɪ Zezi Krisi mʊ wʊ pa ɡɔɔɔ kʊm kʊntʊ dwant nɔɔnʊ wʊlʊ na sɛ-o tɪn yɪə nɪ. ¹⁵ Nan dɪ zɪm maama dɪ, bantʊ na karɪmɪ Moyisi twaanʊ tɪm, ba ba ni kʊ kuri, ɡɔɔɔ kʊm kʊntʊ na kwɛli ba yɪə tɪn ɲwaanɪ. ¹⁶ Nɔɔnʊ nan na ləni o wɔ o sɛ dí Yuutu wɔm, kʊbʊ pa ɡɔɔɔ kʊm dwant kʊntʊ tu yɪə nɪ. ¹⁷ Dí Yuutu wʊlʊ dí na ɲɔɔnɪ o wɔɲo yo seeni tɪn, kʊ lagɪ kʊ ta nɪ Wɛ Joro mʊ. Wɛ Joro kʊm nan na wɔ nɔɔnʊ wʊlʊ tee nɪ tɪn, o laan te o tɪtɪ mʊ. ¹⁸ Dɪbam balʊ maama na sɛ Zezi tɪn daa ba jɪgt ɡɔɔɔ kʊlʊ na kwɛli dí yɪə tɪn. Kʊ maa pat dí wat dí nii dí Yuutu wɔm paart-zulə yam jaja. Dí na nii-o kʊntʊ tɪn, kʊ maa pat dí laan ləni dí nyɪ nɪ o tɪtɪ te, sɪ dí taá wat dí brɪ o paart-zulə yam na yɪ te tɪn, sɪ ya taa fɔgt ya pulə ya wɛli da. Dí Yuutu Joro kʊm tɪtɔɲa yam mʊ tɪntʊ.

4

Dɪbam na bwənə yɪ Wɛ zəni dɪbam te tɪn

¹ Dɪbam bá ga baart, bɛɲwaanɪ Wɛ lanytrant kəm dɪm ɲwaanɪ mʊ Dɪ pɛ dɪbam tɪtɔɲɪ dɪm kʊntʊ. ² Dɪbam nan jɪgt dí tɪtɪ mʊ dɪ wəənu tɪlʊ nɔɔna na səgi ba kɪ yɪ tɪ jɪgt cavɪtra tɪn. Dí nan ba gant nɔɔna dɪ swan, naa dí ləni Wɛ taant dɪm. Dí yɔɔɔɪ dí brɪ Wɛ ɔɪga kam mʊ jaja, sɪ kʊ pa nɔɔna maama lwart nɪ dí na kɪ te tɪn tɔgt cwəɲə Wɛ yigə nɪ. ³ Dí na brɪ Wɛ kwər-ywəɲə kam te

tɪn kuri na səgi nɔɔna tee nɪ, kʊ yɪ balʊ na lagɪ ba ga ba ŋwɪa Wɛ tee nɪ tɪn yɪrantɪ má mʊ ka səgi ba tee nɪ. ⁴Bantʊ ba sɛ Wɛ cɪga kam, bɛŋwaantɪ sʊtaantɪ dɪlʊ na di dam lɔgʊ kʊntʊ baŋa nɪ tɪn mʊ pɛ ba wʊbʊŋa vugimi. Dɪ kɪ kʊntʊ, sɪ ba yɪ wantɪ ba na pooni dɪlʊ Wɛ kwɛr-ywɛŋɛ kam na lagɪ ka pa-ba tɪn mʊ. Kwɛr-ywɛŋɛ kam kʊntʊ brɪ Zezi Krisi paartɪ-zulɛ na yɪ te tɪn mʊ. Wʊntʊ mʊ nyɪ dɪ Baŋa-Wɛ fast. ⁵Dɪbam na yɛni dɪ tɔɔlɪ Wɛ kwɛrɛ kam te tɪn, kʊ datɪ nɪ dɪ tɪtɪ mʊ dɪ jɪgɪ dɪ brɪ nɔɔna. Dɪ nan brɪ nɔɔna nɪ Zezi Krisi mʊ yɪ nabiinɛ Yuutu, yɪ dɪbam yɪ balʊ na tʊŋɪ dɪ pa abam o ŋwaantɪ tɪn mʊ. ⁶Baŋa-Wɛ mʊ yɪ wʊlʊ na maŋɪ o ta o wɪ: «Pooni zɛŋɪ lim wʊntɪ». Dɪntʊ nan ta mʊ yɪ dɪlʊ na pɛ pooni ba dɪ zɛŋɪ dɪ bɪcara nɪ tɪn, sɪ dɪ lwarɪ Dɪ paartɪ-zulɛ yam na yɪ te, yɪ yantʊ mʊ dɪ nat Zezi Krisi yibiyɛ nɪ.

⁷Wɛ na pɛ dɪbam tɪtʊŋɪ dɪm kʊntʊ tɪn, kʊ nyɪ dɪ Dɪ kwe wɛənu tɪlʊ na yɪ lɔnnɪ nyɪm tɪn mʊ Dɪ kɪ kamɔrʊ kɔɔra wʊntɪ. Dɪ na nyɪ dɪ kɔɔra kʊntʊ tɪn, kʊ brɪ nɪ kʊ datɪ dɪbam tɪtɪ dam, kʊ yɪ Wɛ dam-fɔrɔ kʊm ŋwaantɪ mʊ. ⁸Yaara zanzan yɛni ya yi dɪbam, yɪ ya warɪ dɪ yigɛ ya cɪ. Liɛ yɛni ya tiini ya ja dɪbam, yɪ ya warɪ dɪbam wʊbʊŋa ya cɔgɪ. ⁹Nɔɔna yɛni ba bɛɛsɪ dɪbam, Wɛ nan ba fɔgɪ Dɪ yagɪ dɪbam. Dɪ dʊna yɛni ba magɪ dɪbam ba dɪ tɪga nɪ, yɪ ba ba fɔgɪ ba gʊɪ dɪbam. ¹⁰Dɪbam jɪgɪ Zezi tʊbʊntɪ dɪm yaara yam doŋ mʊ dɪ ŋwɪa wʊntɪ maŋa maama, sɪ kʊ brɪ nɪ Zezi ŋwɪa kam mʊ wʊ dɪbam wʊntɪ. ¹¹Dɪbam ŋwɪa kam wʊntɪ maŋa maama dɪ wʊ tʊbʊntɪ ni nɪ mʊ, dɪ na sɛ Zezi tɪn ŋwaantɪ, sɪ kʊ pa Zezi ŋwɪa kam taa wʊ dɪ yɪra yalʊ na wʊ ba ya tɪ tɪn wʊntɪ. ¹²Kʊntʊ, dɪbam zɪgɪ tʊbʊntɪ yigɛ nɪ mʊ maŋa maama, sɪ abam wantɪ á na ŋwɪa Wɛ tee nɪ.

¹³Kʊ maŋɪ kʊ pʊpʊntɪ Wɛ tɔnɔ kʊm wʊntɪ kʊ wɪ: «Amʊ na kɪ a wʊ-dɪdʊa dɪ Wɛ tɪn mʊ pɛ a ŋɔɔna.»

Dɪbam dɪ na jɪgti wɔ-dɪdɔba dɪ Wɛ kɔntɔ doŋ tɪn mu paɪ dɪ ɲɔɔntɪ Dɪ cɪga kam. ¹⁴ Dɪbam ye nɪ Wɛ mu bi dɪ Yuutu Zezi Dɪ pa o yaɣɪ tɔbɔntɪ, yɪ Dɪ ta wɔ bi dɪbam dɪ, sɪ dɪ na ɲwɪa Dɪ tee nɪ dɪ na ɲwɪ dɪ Zezi tɪn ɲwaantɪ. Kɔntɔ mu Wɛ wɔ pa dɪbam dɪ abam maama tɔgtɪ daantɪ dɪ vu dɪ zɪgtɪ Dɪ yɪgə nɪ. ¹⁵ Dɪ na kɪ te maama tɪn yɪ abam zənə ɲwaantɪ mu. Kɔntɔ ɲwaantɪ, Wɛ wɔ vrɪ nɔɔna zanzan Dɪ zaantɪ dɪm ɲwaantɪ, yɪ kɔvɔ pa ba taa kɪ-Dɪ le zanzan yɪ ba zuli-Dɪ kɔ ja gaaltɪ.

Dɪ wɔbɔɲa maɲɪ sɪ ya taa tɔgtɪ Wɛ-sɔɲɔ wəənu tɪm mu

¹⁶ Kɔntɔ ɲwaantɪ mu dɪ bá ga baartɪ. Kɔ na yɪ nabiinə yɪra yalɔ dɪ na jɪgtɪ tɪn, ya kwɪn ya ve mu dɛ maama sɪ ya ba ya bugi. Kɔ daartɪ kɔ na yɪ dɪ jwəəru tɪm, Wɛ fɔgtɪ Dɪ kwɛ-tɪ mu dɛ maama. ¹⁷ Lele kɔntɔ dɪ jɪgtɪ yaara fɪnfɪtɪn mu, yɪ ya bá daantɪ. Ya nan wɔ pa dɪ ba dɪ na paartɪ-zulə zanzan Wɛ tee nɪ sɪ kɔ taa ve maɲa kalɔ na ba ti tɪn, yɪ paartɪ-zulə yam kɔntɔ wɔ tiini ya dwəni yaara yam ya na mai te tɪn. ¹⁸ Kɔntɔ ɲwaantɪ mu dɪ wɔbɔɲa ba tɔgtɪ lɔgbɔ baɲa wəənu tɪlɔ na natɪ dɪ yɪə tɪn. Dɪ wɔbɔɲa nan tɔgtɪ wəənu tɪlɔ na ba natɪ dɪ yɪə tɪn mu. Bɛɲwaantɪ dɪ yɪə na natɪ wəənu tɪlɔ tɪn yəni tɪ ba daana. Kɔ daartɪ tɪlɔ na ba natɪ dɪ yɪə tɪn wɔ ta wɔra sɪ kɔ taa ve maɲa kalɔ na ba ti tɪn.

5

¹ Dɪbam yɪra yam dɪ na jɪgtɪ lɔgbɔ baɲa nɪ tɪn nyɪ dɪ vwe mu dɪ na zɔvɪ dɪ wɔntɪ. Dɪ nan ye nɪ, vwe dɪm kɔntɔ na cɔgtɪ, Wɛ wɔ pa dɪ na digə Dɪ sɔɲɔ nɪ sɪ dɪ taá zɔvɪ da. Kɔ dat nabiinə mu lɔgtɪ digə kam kɔntɔ. Ka nan wɔ ta wɔra maɲa kalɔ na ba ti tɪn. ² Kɔntɔ ɲwaantɪ

mu dɪbam yəni dɪ kɔna dɪ cam, yɪ dɪ fra tiini ya zɔ WE-sɔŋɔ kɔm, dɪ na lagɪ sɪ WE pa dɪ zɔ digə kalɔ Dɪ na lagɪ Dɪ pa dɪbam tɪn ŋwaantɪ. ³ WE na pɛ dɪ zɔ digə kam kɔntɔ nɪŋɛɛntɪ dɪ na zɔ gɔɔɔ te tɪn, dɪ daa bá ta nyɪ nɪ nɔn-kalambwəəlu te. ⁴ Dɪ ta na zɔvɪ dɪ lɔgɔ baŋa vwe dɪm wɔntɪ tɪn, dɪ yəni dɪ kɔntɪ mu nɪ dɪ zɪŋɪ zɪla mu te. Kɔ nan daɪ nɪ dɪ lagɪ sɪ dɪ dɪ dɪ yɪra yam mu dɪ yagɪ. Dɪ lagɪ sɪ dɪ zɔ ya-dɔvɪra yalɔ WE na tɪŋɪ Dɪ sɔŋɔ nɪ sɪ Dɪ pa dɪbam tɪn mu, sɪ Dɪ ŋwɪ-dɔŋa kam laan pa dɪ yɪra yalɔ na wú tɪ tɪn daa yɪ taa jɪgɪ kuri. ⁵ Baŋa-WE tɪtɪ mu kwɛ dɪbam sɪ dɪ ba dɪ na ya-dɔvɪra yam kɔntɔ Dɪ tee nɪ, yɪ Dɪ pa dɪbam Dɪ Joro kɔm, sɪ kɔ da yigə kɔ pa dɪ lwarɪ nɪ dɪ laan wú ba dɪ na wo-laarɔ tɪlɔ WE na tɪŋɪ sɪ Dɪ pa dɪbam tɪn maama.

⁶ Kɔntɔ ŋwaantɪ mu dɪ jɪgɪ pu-dɪa maŋa maama, yɪ dɪ ye nɪ, dɪ ta na jɪgɪ lɔgɔ baŋa yɪra yam tɪn mu paɪ dɪ ta wɔ ve dɪ Yuutu wɔm sɔŋɔ. ⁷ Kɔ daɪ nɪ dɪ yɪə maŋɪ ya na WE-sɔŋɔ kɔm wəənu tɪm kɔntɔ. Dɪ nan kɪ dɪ wɔ-dɪdɔva dɪ WE nɪ dɪ wú na-tɪ. ⁸ Kɔntɔ mu paɪ dɪ jɪgɪ pu-dɪa, yɪ dɪ ye nɪ kɔvɪ ta lamma kɔ pa dɪbam sɪ dɪ yagɪ dɪ yɪra yalɔ na yɪ lɔgɔ baŋa nyɪm tɪn, sɪ dɪ daartɪ dɪ vu dɪ taá wɔ dɪ Yuutu wɔm sɔŋɔ nɪ. ⁹ Kɔntɔ ŋwaantɪ mu dɪ kwaantɪ dɪ lagɪ sɪ dɪ kɪ kɔlɔ na wú poli dɪ Yuutu wɔm wɔ maŋa maama tɪn, dɪ na wɔ tɪga baŋa nɪ naa dɪ zɪ ve WE-sɔŋɔ dɪ. ¹⁰ Bɛŋwaantɪ dɪbam maama maŋɪ sɪ dɪ ba dɪ zɪgɪ Zezi Krisi yigə nɪ sɪ o dɪ dɪbam taantɪ. Nɔɔnɔ maama maŋɪ sɪ o jɔŋɪ kɔlɔ na maŋɪ dɪ o kikiə yalɔ maama o na kɪ lɔgɔ baŋa nɪ tɪn, kɔ na yɪ o kəm-laarɔ naa o kəm-balwaarɔ.

Zezi Krisi na fɔgɪ o kwɛ nɔɔna dɪ Baŋa-WE daantɪ te tɪn

¹¹ Kuntv ηwaant dí ye dí na maɲt sɪ dí taá kwart dí Yuutu wɔm te. Mv kv kuri dí kwaana sɪ dí pa nɔɔna lwart WE cɪga kam. WE ye dɪbam wɔ lanytrant. Amv nan bɔɲt nt abam dt wú ta ye kuntv á bɪcara nt. ¹² Kv nan dat nt dɪbam lagt sɪ dí brɪ dí tɪtɪ mv dt abam. Dí lagt sɪ dí zəni abam mv, sɪ á want á taá jɪgt wɔpolo dɪbam ηwaant. Kuntv mv á wú want á vɪn balv na tu abam te, yɪ ba jɪgt tɪra dt ba na brɪ ba tɪtɪ te, yɪ ba yɪgə tərə dt ba wɔrv na yɪ te tɪn.

¹³ Abam pat dɪbam ba jɪgt swan mv na? Kv nan na maɲt kv yɪ kuntv dt, kv yɪ WE ηwaant mv. Dí nan jɪgt swan, kv yɪ abam zənə ηwaant mv. ¹⁴ Dí na kɪ kulv maama tɪn, kv yɪ Zezi Krisi sono kum ηwaant mv. BEηwaant dí ye lanytrant nt nɔɔnv dɪdva mv tɪga o ləni nɔɔna maama yuu nt, yɪ kuntv brɪ nt ba maama dt tɔgt dɪd-o ba tɪ mv. ¹⁵ Zezi tɪgt ba maama ηwaant mv, sɪ balv na ηwt tɪn daa yɪ taa ηwt nt ba tɪtɪ na lagt te tɪn, sɪ ba taa ηwt wɔlv na ləni ba yuu nt o tɪ yɪ o joori o bi o yagt tɔvnt tɪn ηwaant.

¹⁶ Kuntv ηwaant dɪbam daa ba kuri nɔɔna da-wɔnt nt nabiinə wɔbɔɲa na yɪ te tɪn. Dɪbam dɛɛn ya jɪgt wɔbɔɲa yantv doɲ mv dɪdaant dí na nii Zezi Krisi te tɪn. Lele kuntv dí nan daa ba jeeli kuntv doɲ. ¹⁷ Nɔɔnv wɔlv na ηwt dt Zezi Krisi tɪn, kv brɪ nt o jɪgt WE ηwt-dɔɲa kam mv, yɪ o ηwt-dɔɲə kam kɛ. O ηwtə kam maama laan ləni ka ji ηwt-dɔɲa mv. ¹⁸ Kv yɪ WE mv kɪ kv maama. Dɪntv mv tagt Zezi Krisi ηwaant Dɪ fɔgt dɪbam dt Dɪ tɪtɪ daant, yɪ Dɪ daart Dɪ pa dɪbam tɪtɔɲt dɪm kuntv, sɪ dí brɪ nɔɔna sɪ ba dt WE fɔgt daant. ¹⁹ Dí yəni dí brɪ nɔɔna nt Baɲa-WE dɛ Zezi Krisi ηwaant mv Dɪ fɔgt nabiinə dt Dɪ tɪtɪ daant, kv pa WE daa ba jeeli ba lwartm. Dɪ ma tɔɲt dɪbam sɪ dí taá brɪ nɔɔna Dɪ fɔgtm dɪm kuntv na

yi te tin.

²⁰ Ku nan yi dibam lani Zezi Kriŋi yuu ni mu si di taá bri nɔɔna WE ciga kam kuntu. Ku maa nyi di WE titi mu tɔgi dibam hwaani Di hɔɔna di abam. Dí nan loori abam Zezi Kriŋi hwaani si á se, si á di WE fɔgi daani.

²¹ Zezi Kriŋi mu yi wɔɔ na ba jigi lwarim tin. WE nan pe dibam lwarim dim tɔgi wuntu, si ku pa di taá jigi ciga mu WE tee ni wuntu hwaani.

6

¹ Dibam na weli di WE di tɔhi Di titɔha yam tin, di loori abam si á yi zaŋi á pa WE zaani dim Di na pe abam tin ji kafe. ² Baŋa-WE maŋi Di ta Di wi:

«Maŋa kalɔ na maŋi di a wɔɔɔha tin,
amu se nmu loro kum.

De dilɔ na maŋi si a vri nmu tin,
amu zani nmu.»

Nii-na! WE zana maŋa kam yia. Ku yi zim mu Di lagi Di vri abam.

Pooli na yaari WE titɔha yam hwaani te tin

³ Dí na tɔhi WE hwaani tin, di ba lagi si nɔɔn-nɔɔnɔ na cwaha o lwe di titɔhi dim. Kuntu hwaani mu di ba ki kulɔ na wɔ cɔgi nɔɔnɔ wɔ si o yi da WE tin. ⁴ Dí nan kwaani di bri di titi ni di yi WE tintɔhna mu woŋo maama wuni. Dí yani di vo di wɔ mu, ku na yi yaara naa cam di wɔ-cɔgo wuni. ⁵ Ba magi dibam yi ba jaani dibam ba ki pɔna digɔ ni kuni zanzan. Ba maa yeeri dibam. Dí maa yani di tɔhi titɔh-cɛɛra. Dí maa ba do di sui, yi di pɔni di titi di kana. ⁶ Dí ma mai wɔpoŋo di yano di wɔ-zuru di maa tɔha, yi di ta kwari di ki nɔɔna lanyirani. Dí maa jigi WE Joro kum dam di sono ciga ciga. ⁷ Dí maa hɔɔni WE ciga kam di bri nɔɔna, yi di jigi WE dam di ma di tɔha. Dí na yɔɔri

dí tɔgtɪ cɪga cwəŋə te tɪn, kʊ nyɪ dɪ dí na ze jara zɪla jazɪm dɪ jagwiə te tɪn mʊ. ⁸ Nɔɔna badonnə patɪ dɪbam zulə, yɪ badaara gooni dɪbam. Babam maa twɪ dɪbam, yɪ badaara patɪ dɪbam cɪga. Badonnə maa patɪ dí yɪ balʊ na gantɪ nɔɔna tɪn, yɪ dí nan yɔɔrɪ dí tɔgtɪ cɪga mʊ. ⁹ Badaara tɛ ba wɪ, ba yəri dɪbam, yɪ nɔɔna maama yagɪ ba ye dɪbam lanytrantɪ. Badonnə ma patɪ dí lagɪ dí tɪ mʊ, yɪ dí nan ta ŋwɪ. Ba patɪ dí natɪ cam, yɪ ba nan wʊ wantɪ ba gʊ dɪbam. ¹⁰ Nɔɔna maa patɪ dí wʊ cɔga, yɪ dí nan ta jɪgtɪ wʊpolo maŋa maama. Nɔɔna patɪ dí yɪ yinigə tiinə mʊ, yɪ dí yagɪ dí wəli nɔɔna zanzan dɪ wo-laaru. Nɔɔna patɪ dí ba jɪgtɪ kʊlʊkʊlʊ mʊ, yɪ dí nan jɪgtɪ woŋo maama Wɛ yigə nɪ.

¹¹ Dí badonnə Korɛntɪ tiinə-ba, dí kwe dí bɪcara maama mʊ dí ma ŋɔɔntɪ dɪ abam jaja. Dɪbam tiini dí soe abam dɪ dí bɪcara maama. ¹² Kʊ nan datɪ dɪbam mʊ cɪgtɪ sono kʊlʊ na wʊ dɪbam dɪ abam laŋa nɪ tɪn daantɪ, kʊ yɪ abam mʊ cɪga. ¹³ Amʊ nan loori abam nɪ á yɪ a biə mʊ te, sɪ á taá jɪgtɪ amʊ sono kʊm doŋ á bɪcara nɪ.

Jwənə dɪ Baŋa-Wɛ na ba tʊŋtɪ daantɪ te tɪn

¹⁴ Abam nan yɪ zaŋtɪ á kwe á tɪtɪ á wəli dɪ balʊ na ba tɔgtɪ Zezi tɪn, sɪ lanytrantɪ dɪ balɔɔɔ ba jɪgtɪ wəl-dɔɔɔ daantɪ. Pooni dɪ lim dɪ nan ba jɪgtɪ wəl-dɔɔɔ. ¹⁵ Zezi Krisi dɪ sʊtaantɪ bá wantɪ ba taa jɪgtɪ ni-dɪdwɪ. Wʊlʊ na sɛ Zezi tɪn dɪ wʊlʊ na wʊ sɛ-o tɪn bá wantɪ ba taa jɪgtɪ wʊbʊŋ-dɪdwɪ. ¹⁶ Jwənə nan bá wantɪ ya taa jɪgtɪ wəl-dɔɔɔ dɪ Wɛ tɪtɪ digə. Dɪbam nan mʊ nyɪ dɪ Wɛ digə kam Dɪ na zʊʊrɪ ka wʊntɪ tɪn. Bɛŋwaantɪ Wɛ maŋtɪ Dɪ ta Dɪ wɪ:

«Amʊ wʊ ta zʊʊrɪ a nɔɔna bam wʊntɪ,
yɪ a wʊra dɪ ba.

Amʊ wʊ ta yɪ bantʊ Wɛ,

yɪ ba dɪ wʊ ta yɪ amʊ nɔɔna.»

¹⁷ Kuntv ηwaant mv WE tagt Dl wɪ:
 «Abam maŋt st á li á tɪtɪ balv na wv sE amv tɪn tɪtari
 nt,
 st á daart á pɔɔrt á tɪtɪ dɪ ba.
 Á fɔgt á cɪ á tɪtɪ dɪ wənu tɪlv maama na yɪ wo-zɔɔna
 tɪn.
 Kuntv mv amv wʊ jɔŋi abam.
¹⁸ Amv wʊ ta yɪ abam Ko,
 yɪ abam dɪ wʊ ta yɪ amv biə.»
 Mv dí Yuutu Baŋa-WE dɪlv na jɪgt dam wənu maama
 baŋa nt tɪn na tagt te.

7

¹ A badon-sonnu-ba, WE na goni Dl ni dɪm Dl pa Dl
 nɔɔna bam kuntv tɪn, kv maama yɪ dɪbam ηwaant mv.
 Mv kv kuri, á pa-na dí li dí tɪtɪ wo-zɔɔna yalv maama
 dí na wʊ kv yɪ ya cɔgt dí yɪra dɪdaant dí wvbuŋa tɪn
 wvnt. Pa-na dí taá kwaana dí jɪgt wv-pɔŋo fast, dí na
 kwart WE tɪn ηwaant.

Pooli na jɪgt wvpolo woŋo kulv ηwaant tɪn

² Pa-na dɪbam sono taa wv á bɪcara nt. Dɪbam nan wv
 kv abam wvɪwvɪwv wo-balɔɔ. Dí wv kv dí cɔgt nɔɔn-
 nɔɔnv yigə. Dí nan wv pini abam wvɪwvɪwv woŋo.

³ Amv wv tagt kuntv st kv yáalt abam. Amv maŋt a ta
 dɪ abam nt, kulvkvɪwv bá want kv pɔɔrt dɪbam dɪ abam
 sono kv m daant, kv na yɪ ηwɪa naa tɪvnt dɪ. ⁴ Amv tiini
 a jɪgt abam cɪga, yɪ a jɪgt wvpolo zanzan abam ηwaant.
 Kuntv ηwaant mv, yaara yalv maama na jɪgt dɪbam tɪn,
 amv ta jɪgt baart yɪ a tiini a jɪgt wvpolo.

⁵ BEŋwaant, dɪbam na ve dí yi Mastɪvnt tɪn, dí wv
 nE siun dɪ fɪnfɪvnt dɪ. Cana dvi təri təri tiini ya ja dɪbam.
 Nɔɔna dEEn magt kantɔgɔ dɪ dɪbam, yɪ fɪvnt tiini dɪ
 zv dɪbam. ⁶ WE nan yɪ dɪlv na zəni nɔɔna balv wvrv na

cɔgi tɪn, yɪ Dɪ pa ba bɪcara pəni tɪga nɪ. Dɪ ma pa dɪbam dɪ bɪcara pəni tɪga nɪ, dɪ Dɪ na pɛ Titi ba dɪbam te tɪn. ⁷ Kʊlʊ na pɛ dɪbam wʊ poli tɪn mʊ yɪ sɪ o na tu o ta abam na zən-o te á pa o bɪcart pəni tɪga nɪ tɪn, sɪ kʊ dat o na tu o wʊ dɪbam tee nɪ tɪn yɪtrant má ɲwaantɪ. O ma ta o bɪt dɪbam amʊ fra na tiini ya jɪgt abam te, dɪ á wʊrʊ na tiini tɪ cɔgi dɪ á na kɪ kʊlʊ na wʊ maɲt tɪn. O ta ma ta abam na kwaana á zɪgt amʊ kwaga nɪ te tɪn. Amʊ na ni abam ɲwa kʊntʊ tɪn, kʊ pɛ amʊ wʊ tiini kʊ poli.

⁸ Amʊ nan ye nɪ, a na pʊpʊnt tɔnɔ kʊlʊ a pa abam tɪn mʊ pɛ á jɪgt wʊ-cɔgɔ. Amʊ nan ta wʊ joori a za wʊbʊɲa dɪ a na pʊpʊnt-kʊ te tɪn. Kʊ-yigə nɪ tɪn, amʊ wʊbʊɲa ya wat ya zat dɪ a tɔnɔ kʊm na pɛ abam wʊ cɔgi tɪn, kʊ nan wʊ tiini kʊ daantɪ. ⁹ Amʊ laan nan jɪgt wʊpolo. Kʊ dat abam wʊ na cɔgi tɪn ɲwaantɪ mʊ a jɪgt wʊpolo, kʊ yɪ á wʊ-cɔgɔ kʊm na pɛ á ləni á wʊ te tɪn mʊ. Á wʊ-cɔgɔ kʊm maɲt dɪ Wɛ na lagɪ te tɪn mʊ, sɪ dɪbam wʊ kɪ abam wo-lɔɲɔ. ¹⁰ Bɛɲwaantɪ, nɔɔnʊ na jɪgt wʊ-cɔgɔ kʊlʊ na maɲt dɪ Wɛ wʊbʊɲa tɪn, kʊv pa o ləni o wʊ o daart o na ɲwɪa Wɛ tee nɪ, yɪ kʊntʊ bá want kʊ pa o ta nɪ, o ya na maantɪ. Kʊ daart, nɔɔnʊ nan na jɪgt wʊ-cɔgɔ nɪ balʊ na yəri Wɛ tɪn te, kʊv pa wʊntʊ ga o ɲwɪa Wɛ tee nɪ. ¹¹ Á nan maant-na á nii wʊ-cɔgɔ kʊlʊ na yɪ Wɛ wʊbʊɲa tɪn na pɛ á ləni wənu tɪlʊ á ɲwɪa wʊntɪ. Kʊ pɛ á laan sɪntɪ á yɪə dɪ Wɛ tɔgɪm, yɪ á kwaantɪ sɪ á bɪt nɪ á wʊ tɔgt á kɪ lwarɪm dɪm kʊntʊ. Kʊ ta ma pa bant jɪgt abam dɪ wo-lɔɲɔ kʊlʊ na kɪ abam tɪtari nɪ tɪn. Fʊntɪ ma zʊ abam, yɪ amʊ fra jɪgt abam. Á ma tiini á kwaantɪ sɪ á laan tʊɲt Wɛ na lagɪ te tɪn, yɪ á vanɪ wʊlʊ na kɪ wo-lɔɲɔ kʊm tɪn zwɛ. Abam na kɪ kʊlʊ maama tɪn bɪt nɪ á ba jɪgt wo-lɔɲɔ kəɪm dɪm kʊntʊ wʊntɪ.

¹² Amʊ na pʊpʊnt tɔnɔ kʊm a pa abam tɪn, kʊ dat

wɔɔɔ na ki o cɔgt tɪn ŋwaant, kɔ nan dat o na ki lwarɪm dɪm di wɔɔɔ tɪn di. Amɔ nan lagɪ sɪ a pa abam mɔ lwarɪ jaja Wɛ yigə nɪ, nɪ abam kwaant zanzan dɪbam ŋwaant. ¹³ Kɔ yɪ kɔntɔ ŋwaant mɔ dɪ bɪcara pəni tɪga nɪ.

Kɔ nan dat kɔntɔ yɪrant má. Dɪbam ta jɪgt wɔpɔlo kɔ ja gaalt, dɪ na nɛ sɪ Titi wɔ poli di abam tɪn ŋwaant di abam na pɛ o na baart tɪn. ¹⁴ Amɔ na lagɪ a tɔŋ-o sɪ o ba abam te tɪn, amɔ tee abam fɪnfɪɪn a brɪ-o. Abam nan wɔ pɛ cavɪɪra ja amɔ di a na tee abam te tɪn. Kɔntɔ tɪn, dɪbam na tee abam dɪ brɪ Titi te tɪn jɪgt cɪga mɔ, nɪ dɪ na yəni dɪ tɛ cɪga di abam maŋa maama te tɪn. ¹⁵ O na tu abam te tɪn, á jeer-o lanyɪrant di ya-sɪɔ, yɪ á daart á sɛ o ni. Kɔntɔ, o na yəni o guli abam gulə, kɔ pat o tiini o jɪgt abam sono kɔ ja gaalt.

¹⁶ Amɔ tiini a jɪgt wɔpɔlo di abam, a na jɪgt abam cɪga woŋo maama wɔnt tɪn ŋwaant.

8

Zezi nɔɔna bam na maŋɪ sɪ ba taa wəli daant te tɪn

¹ A ko-biə-ba, dɪ lagɪ sɪ dɪ pa abam lwarɪ Wɛ na ki Zezi nɔɔna balɔ na wɔ Mastɔvanti tɪntɪ dɪm nɪ tɪn yu-yoŋo te tɪn mɔ. ² Ba nɛ maŋɪm zanzan di yaara yalɔ na yi-ba tɪn, yɪ ba nan ta jɪgt wɔpɔlo kɔ ja gaalt. Di yinigə na tiini ka jɪgt-ba tɪn di, ba daa ta zəni nɔɔna lanyɪrant di wɔ-yoŋo. ³ Kɔ yɪ cɪga mɔ, ba wəli nɔɔna kɔ maŋɪ di ba tɪtɪ na jɪgt te tɪn, yɪ ba ta yəni ba pat kɔ dwəni ba tɪtɪ na wɔ daart kɔɔɔ tɪn. ⁴ Ba tɪtɪ nan mɔ mɛ ba wɔbɔŋa ba loori dɪbam sɪ dɪ pa-ba cwəŋə, sɪ ba taa tɔgt ba wəli Wɛ nɔɔna balɔ yinigə na jɪgt-ba Zeruzalɛm nɪ tɪn. ⁵ Ba na pɛ te tɪn tiini kɔ dwe dɪbam ya na tɪntɪ nɪ baá pa te tɪn. Ba nan maŋɪ ba da yigə ba ki ba tɪtɪ dɪ Yuutu wɔm jɪŋa nɪ mɔ, yɪ ba daart ba ki ba tɪtɪ dɪbam di jɪŋa nɪ, sɪ kɔ maŋɪ di Wɛ wɔbɔŋa na lagɪ te tɪn. ⁶ Kɔntɔ ŋwaant

mu dí loori Titi wulv na manj o puli o jonji abam sæbu-
 lv kum tln, st o joori o ba abam te o wæli abam st á tynj
 tttynj dlm kuntu á ti. ⁷ Abam na tɔgt WE cwəŋə te tln
 manj kv lana kv ja gaalt, dt á na jigt wu-dtdva dt WE yt
 á tɔɔlt Dl kwərə kam lanytrant yt á jigt yəno te tln. Á ta
 kwəri á kwaan dt WE tttynja yam, yt á tiini á soe dɪbam.
 Kuntu ŋwaan kwaan-na st á taá pa á wɔrv ywəmmə dt
 tttynj dlm kuntu.

⁸ Amv nan ba lagt st a ftln abam dt á na wú la sæbu kum
 te tln. Amv nan pɛ abam mv lwart nɔɔna badaara na
 tiini ba kwaan ba wæli ba donnə te tln. Kuntu mv abam
 wú want á brl nt á stln á soe á donnə. ⁹ Abam manj á
 ye yu-yoŋo kulv dí Yuutu Zezi Krisi na pɛ o nɔɔna bam
 tln. Wuntu mv sɛ o yagt o na manj o jigt jljigrv tlv
 maama tln, yt o daart o ji yinigə tu abam ŋwaan, st kv
 want kv pa abam ji jljigrv tiinə WE tee nt o yinigə kam
 ŋwaan. ¹⁰ Amv nan na bɔnj te tln, kvú ta lana st á
 kwaan á ti tttynj dlv abam na manj á puli tln. Bm
 dlv na ke tln, abam mv yt balv na dɛ yigə á la sæbu, yt
 abam daa ta mv dɛ yigə á jigt kv wɔbɔŋa. ¹¹ Nan tynj-
 na tttynj dlm kuntu á vu á ti dt wɔbɔŋ-ŋvna, nt á na
 manj á lt wɔbɔŋa te tln, st á taá pat kv manj dt á na jigt
 te tln. ¹² Bɛŋwaan, abam na lt wɔbɔŋa st á wæli nɔɔna
 tln, kv ba cɔga dt woŋo kum na mat te tln maama. Á nan
 manj st á wæli nɔɔna kv manj dt kulv á na jigt tln mv,
 st kv dat nt kv gaalt te á na jigt tln. Zənə yam kuntu
 doŋ lana WE tee nt.

¹³ Kv nan dat nt amv lagt st a pa abam taá wæli nɔɔna
 st bantv sin, st abam tlt daart á ji yinigə tiinə mv. Kv
 yt st á taá tæli daant mv. ¹⁴ Lele kuntu abam jynja gara,
 yt á wú want á wæli balv yinigə na jigt-ba tln. Kv daart,
 yinigə na tu ka ja abam dt, bantv dt daa wú want ba wæli

abam dɪ ba na jɪgɪ kʊɫʊ tɪn. Kʊntʊ mʊ á maama wʊ ta tʌli daantɪ. ¹⁵ Kʊ nɪt dɪ kʊ na pʊpʊntɪ Wɛ tɔnɔ kʊm wʊntɪ kʊ wɪ:

«Nɔɔnʊ wʊɫʊ na nɛ wʊdiu zanzan tɪn daa wʊ daart kʊɫʊkʊɫʊ.

Wʊɫʊ nan na nɛ fɪnfɪtɪn tɪn nɪtɪm daa wʊ mur-o.»

¹⁶ Dɪ nan kɪ Wɛ le dɪ Dɪ na pɛ Titi wʊbʊŋa sɪ o kwaantɪ o wʌli abam, nɪnɛɛntɪ dɪbam na lagɪ sɪ dɪ wʌli abam te tɪn. ¹⁷ O ma sɛ dɪbam na loor-o sɪ o kɪ kʊɫʊ abam wʌlim ŋwaantɪ tɪn. Wʊntʊ tɪtɪ nan maŋɪ o lɪ wʊbʊŋa sɪ o ba abam te, bɛŋwaantɪ o tiini o lagɪ sɪ o wʌli abam. ¹⁸ Dɪ nan lagɪ sɪ dɪ pa dɪ ko-bu wʊdɔŋ mʊ tɔgɪ dɪ wʊntʊ o ba. O maa yɪ wʊɫʊ Zezi nɔɔna bam maama na nɪg-o dɪ o na brɪ Wɛ kwɛr-ywɛŋɔ kam te tɪn. ¹⁹ Ba ta ma kwɛri ba lɪ-o sɪ o taa tɔgɪ dɪ dɪbam o jaantɪ sɛbu kʊɫʊ dɪ na ma dɪ zɛni yinigɔ tiinɔ tɪn o ve Zeruzalɛm. Dɪ na wʌli nɔɔna bam kʊntʊ tɪn, kʊ yɪ sɪ dɪ Yuutu wʊm mʊ na zulɔ, yɪ kʊ brɪ nɪ dɪ lagɪ sɪ dɪ taá wʌli nɔɔna. ²⁰ Dɪ nan kwaantɪ dɪ yɪrɪ dɪ tɪtɪ mʊ, sɪ nɔɔn-nɔɔnʊ yɪ na cwɛŋɔ o yáaltɪ dɪbam, dɪ dɪ na laɪ sɛbu-fɔrɔ kʊm yɪ dɪ cɛ-kʊ dɪ ma tʊŋɪ te tɪn baŋa nɪ. ²¹ Dɪ nan kwaantɪ sɪ dɪ kɪ kʊɫʊ na lana dɪ Yuutu wʊm yigɔ nɪ dɪ nabiinɔ dɪ yigɔ nɪ tɪn mʊ.

²² Kʊntʊ mʊ dɪ daa ta lagɪ sɪ dɪ tʊŋɪ dɪ ko-bu wʊdɔŋ sɪ o tɔgɪ dɪ bantʊ o ba á te. Wɛənu zanzan wʊntɪ mʊ dɪ maas-o, yɪ dɪ lwartɪ nɪ o kwaana dɪ Wɛ tɪtʊŋa yam. O jɪgɪ abam cɪga lanyɪrantɪ, yɪ kʊ pa o tiini o bʊŋɪ sɪ o wʌli abam. ²³ Kʊ na yɪ Titi, dɪbam mʊ tɔgɪ daantɪ dɪ tʊŋɪ abam ŋwaantɪ. Kʊ daartɪ kʊ na yɪ badaara bam, kʊ yɪ Zezi nɔɔna bam mʊ lɪ-ba sɪ ba taa tʊŋa, sɪ kʊ pa Zezi Krisi na zulɔ. ²⁴ Kʊntʊ, kwaantɪ-na sɪ kʊ pa ba lwartɪ nɪ á soe á donnɔ, sɪ Zezi nɔɔna bam lwartɪ kʊ ni nɪ. Kʊntʊ, ba laan wʊ lwartɪ nɪ, dɪ na jɪgɪ wʊpɔlo dɪ abam te tɪn sɪntɪ kʊ yɪ cɪga mʊ.

9

¹ Ku na yi di zənə yalɔ abam na wú tɔŋi á pa Wɛ nɔɔna balɔ yinigə na jɪgti-ba tɪn, amɔ daa wɔ maŋi si a pɔpɔnti kulɔkulɔ a ma wəli da a bri abam. ² Bɛŋwaant a maŋi a ye ni abam jɪgti wɔbɔŋa si á wəli-ba, yi a tee abam Masɪdɔvanti tiinə bam yigə ni. A bri-ba ni, abam balɔ na zɔvri Akayi tɪnti dɪm ni tɪn maŋi á ti á yigə si á la səbu kɔm, ku zɪgti deen bɪm dɪm ni mɔ. Masɪdɔvanti tiinə bam na lwart abam na tiini á kwaant si á wəli nɔɔna te tɪn, ku ma pa si ba zanzan wɔbɔŋa tɔgti kəm dɪm kɔntɔ doŋ. ³ Amɔ nan bɔŋi si a pa dí ko-biə bam ba abam te, si ku pa dɪbam na tee abam te tɪn yi ba ku ji kafɛ. Kɔntɔ mɔ wú pa á want á ti á yigə nɪnɛɛnti amɔ na maŋi a ta kulɔ a bri-ba tɪn. ⁴ Ku na dat kɔntɔ, Masɪdɔvanti tiinə bam na tɔgti di amɔ ba ba abam te yi ba lwart ni á ta wɔ ti á yigə, kɔv pa cavɪra ja dɪbam di dí na wɪ dí jɪgti á cɪga te tɪn. Ku ma wú pa cavɪra ja abam di. ⁵ Kɔntɔ ŋwaant mɔ amɔ bɔŋi ni ku maŋi si a loori dí ko-biə bam, si ba da yigə ba wuuri ba ba abam te. Kɔntɔ wú pa á want á la pɛɛra yam á ti, nɪnɛɛnti á na maŋi á ta ni á wú ki te tɪn, si dí laan ba dí jɔŋi. Amɔ lagɪ si á ma á wɔ-yoŋo mɔ á pa səbu kɔm, si á yi ta kɔɔŋ ŋwaant.

⁶ Ku nyi di nɔɔnɔ na dugi wəənu fɪnfɪtɪn te tɪn mɔ, kɔntɔ tu wú ba o na fɪnfɪtɪn mɔ. Ku daari wɔlɔ na dugi zanzan tɪn, kɔntɔ tu wú ba o na zanzan mɔ. ⁷ Nɔɔnɔ maama nan maŋi si o pa si ku maŋi di o na li o wɔbɔŋa te tɪn mɔ, si ku dat di wɔ-cɔgɔ naa nɔɔnɔ na fi-o tɪn ŋwaant. Wɔlɔ na paɪ di wɔpɔlo tɪn, Wɛ soe kɔntɔ tu mɔ. ⁸ Wɛ nan jɪgti dam si Di pa abam Di zaant dɪm maama, si ku pa á taá jɪgti kulɔ maama á na lagɪ tɪn maŋa maama, yi á daa ta wú ta jɪgti ku gaali si á taá ma ki wo-laarɔ dwi maama, ⁹ ni Wɛ tɔnɔ kɔm na tagɪ ku

wɪ:

«Nɔn-ɲɔm pɔɔrti o wənu mu o pat yinigə tiina,
yɪ o kəm-laaru tɪm wú ta wura mɪmaɲa maama.»

¹⁰ Ku yɪ WE mu pat nɔɔna wo-dwə yɪ ba duə, yɪ Dɪ daari Dɪ pa-ba wɔdiu yɪ ba di. Dɪ nan daa ta wú zəni abam sɪ á want á wəli nɔɔna dɪ kəm-laaru zanzan, nɪ á na du wənu zanzan te tɪn. Kuntɔ mu á kəm-laaru tɪm laan wú ba tɪ kɪ dagɪm, nɪ faa na dagɪ te tɪn. ¹¹ WE wú pa á taá jɪgt wo-laaru dwi maama, sɪ á want á taá wəli nɔɔna lanyɪranɪ. Kuntɔ mu wú pa nɔɔna zanzan taa kɪ WE le, ba na jɔɲi abam zənə yam dɪbam tee nɪ tɪn ɲwaantɪ. ¹² Abam na jɪgt WE nɔɔna bam á wəli te tɪn mu pat ba nat kulɔ ba ya na gɛ tɪn. Ku nan dai kuntɔ yɪranɪ, ku ta wú pa nɔɔna zanzan tiini ba taa kɪ WE le ku ja gaaltɪ. ¹³ Abam zənə yam kuntɔ mu wú brɪ nɪ á tɔgt WE cɪga cɪga, yɪ ku pa Dɪ na zulə zanzan, dɪ nɔɔna bam na lwarɪ nɪ á sɪntɪ á sɛ Zezi Krisi kwər-ywəɲə kam nɪ á na maɲɪ á ta te tɪn. WE ta wú na zulə nɔɔna tee nɪ, dɪ á na li á wənu á ma zəni-ba, yɪ á daari á pa nɔɔna badonnə dɪ te tɪn. ¹⁴ Ba ma wú ta loori WE abam ɲwaantɪ, yɪ baá ta soe abam dɪ ba wɔ maama, dɪ WE na tiini Dɪ kɪ abam yu-yoɲo ku ja gaaltɪ tɪn ɲwaantɪ.

¹⁵ Pa-na dí kɪ WE le Dɪ na wəli dɪbam maama dɪ Dɪ pɛɛrɪ dɪlɔ na ba jɪgt doɲ tɪn ɲwaantɪ.

10

Pooli ɲɔɔntɪ WE na pɛ-o dam sɪ o ma tɔɲɪ Dɪ tɪtɔɲa te tɪn

¹⁻² Amɔ Pooli mu loori abam sɪ á cəgi. Abam badonnə tɛ á wɪ, amɔ na wɔ abam tee nɪ, a yəni a yɪ wɔlɔ na zurə dɪ abam tɪn mu. Ku daari, amɔ na təri abam tee nɪ, a yəni a cana mu dɪ abam. Ku nan yɪ Zezi Krisi wɔlɔ na nɪgt nɔɔna yɪ o jɪgt ba ɲwaɲa tɪn ɲwaantɪ mu a loori abam sɪ á ləni, sɪ a na tu abam te, sɪ a daa yɪ kɪ kəm-cɛɛrɪ

di abam. Ku nan na yi balu na buɲi ni dí títuɲa tɔɔi nabiinə wɔbuɲa na yi te tɪn, a ye lanytrant ni amu wú ta jɪɔ baart si a want a bwe-ba. ³ Ku yi cɪga, dí sɪni dí yi nabiinə mu, ku nan dat nabiinə wɔbuɲa mu dí ma dí jaɲi si dí vɪn kulɔ maama na yi balɔɔ tɪn. ⁴ Kuntu maa nyi di dí lagi dí ki jara mu te, ku nan dat nabiinə jara zɪla mu dí jɪga. Ku yi we dam mu dí jɪga, yi dí maa cɔɔi we duna bam dam. Dí cɔɔi wɔbuɲa yalu na paɪ ya jɪɔ swan yi ya yaɔi ya yi vwan tɪn, ⁵ yi dí yáali zaasɪm dɪlu maama na zaɲi si di ci nabiinə we cɪga kam wɔni tɪn. Dí maa want wɔbuɲa yam kuntu maama dam, yi dí paɪ ya ləni ya se Zezi Kri si ni. ⁶ Kuntu, abam na se Zezi Kri si ni dɪm á ti, dɪbam laan wú want dí vaɲi balu maama na wɔ abam tɪtari ni yi ba ba se tɪn zwa.

⁷ Maani-na á nii ku na yi te tɪn. Abam wɔlu na jɪɔi cɪga ni o yi Zezi Kri si nɔɔnu, kuntu tu maɲi si o lwarɪ ni dɪbam di yi Zezi nɔɔna mu ni wɔntu te. ⁸ Ku nan na yi amu na tiini a bri abam a tɪti di we na pe dɪbam ni dɪlu tɪn ɲwaani, amu ba kwari cavɪtra di kuntu. Dí Yuutu wɔm pe dɪbam ni dɪm kuntu, si dí taá ma dí kwe abam mu, si ku dat si dí ma cɔɔi abam. ⁹ Amu ba lagi si abam buɲi ni a pɔpɔni a twaanu tɪm si a ma fugi abam mu. ¹⁰ Abam badaara te ni, wənu tɪlu amu na pɔpɔni a twaanu tɪm wɔni tɪn mu cana, yi ti ta kwəri ti dana. Ku daari, amu tɪti na wɔ á tee ni, a yi zurim yɪtrant mu, yi a ni-taani ba ki kulɔkulɔ. ¹¹ Balu na yəni ba te kuntu doɲ tɪn maɲi si ba lwarɪ ni, dí na təri abam tee ni yi dí pɔpɔni wənu tɪlu maama tɪn yi bidwi mu di dí na wɔ abam tee ni yi dí ki te tɪn.

¹² Ku na yi balu na bri ba tɪti tɪn, dɪbam ba lagi si dí nyɪɲi dí tɪti di bantɔ dí nii, naa dí ta ni dɪbam di bantɔ maɪ daani. Bantɔ ba jɪɔi swan. Ba yəni ba maɪ ba tɪti

wubɔŋa mɔ ba maa maŋɪ daant ba nii ba na yɪ te tɪn. ¹³ Kɔ nan na yɪ dɪbam, dɪ ba lagɪ sɪ dɪ tee dɪ tɪtɪ sɪ kɔ gaalt Wɛ na pɛ dɪbam tɪtɔŋɪ dɪlɔ sɪ dɪ taá tɔŋɪ tɪn. Kɔ yɪ Wɛ mɔ pɛ dɪbam tɪtɔŋɪ dɪm kɔntɔ sɪ dɪ tɔŋɪ abam tɪtari nɪ, yɪ dɪbam maŋɪ sɪ dɪ kɪ wɔpolo dɪ kɔntɔ mɔ. ¹⁴ Kɔntɔ, dɪbam wɔ gaalt sisəm dɪlɔ Wɛ na pɛ dɪbam tɪn, dɪ dɪ na tu abam te dɪ tɔɔlɪ Zezi Krisi kwər-ywəŋə kam tɪn. ¹⁵ Dɪbam ba tee dɪ tɪtɪ nɔɔna badonnə tɪtɔŋa baŋa nɪ, sɪ dɪ gaalt sisəm dɪlɔ Wɛ na pɛ dɪbam tɪn. Dɪ nan jɪgɪ tɪna nɪ á na jɪgɪ wɔ-dɪdɔba dɪ Wɛ te tɪn wɔ fɔgɪ kɔ kɪ dam, sɪ kɔ pa tɪtɔŋa yalɔ dɪ na tɔŋɪ abam ŋwaant tɪn want ya puli zanzan, sɪ kɔ maŋɪ dɪ tɪtɔŋa yalɔ Wɛ na pɛ dɪbam tɪn. ¹⁶ Kɔ daa ta wɔ pa dɪ na cwəŋə dɪ tɔɔlɪ Wɛ kwər-ywəŋə kam dɪ gaalt abam na zɔɔrɪ je stɪlɔ nɪ tɪn. Kɔntɔ mɔ dɪ ba tee dɪ tɪtɪ dɪ Wɛ tɪtɔŋa yalɔ Dɪ tɪntɔŋna badonnə na maŋɪ ba tɔŋɪ tɪn. ¹⁷ Kɔ nan pɔpɔnt Wɛ tɔɔnɔ kɔm wɔnt kɔ wɪ: «Wɔlɔ na lagɪ sɪ o kɪ wɔpolo tɪn, sɪ o pa kɔ taa yɪ dɪ Yuutu wɔm ŋwaant.» ¹⁸ Bɛŋwaant, kɔ dat nɔɔnɔ wɔlɔ na paɪ o tɪtɪ cɪga tɪn stɪnt o jɪgɪ cɪga mɔ, kɔ nan yɪ wɔlɔ dɪ Yuutu wɔm na brɪ nɪ o yɪ cɪga tu tɪn mɔ.

11

Pooli tagɪ dɪ KorEnti tiinə bam sɪ ba cɪ ba tɪtɪ dɪ vwan karanyɪna tiinə bam

¹ Abam nan kwaant sɪ á ja á bɪcara dɪ amɔ na lagɪ a ta jwərim dɪlɔ fɪnfɪtɪn tɪn. Á nan ja á bɪcara dɪ amɔ! ² Amɔ ba sɛ abam ŋwaant, nɪ Wɛ dɪ na ba sɛ Dɪ nɔɔna ŋwaant te tɪn. Amɔ lagɪ sɪ a kɪ abam Zezi Krisi jɪŋa nɪ mɔ, sɪ kɔlɔkɔlɔ yɪ cɔgɪ abam. Kɔ maa nyɪ dɪ abam yɪ nɪ bukɔ wɔlɔ na wɔ cɔgɪ tɪn mɔ amɔ na goni ni sɪ a kwe a pa nɔɔnɔ dɪdɔba, yɪ nɔɔnɔ wɔm kɔntɔ mɔ yɪ Zezi Krisi.

³ Amɔ nan jɪgɪ liə mɔ dɪ abam nɪ nɔɔna badaara wʊ sɔgɪ abam sɪ á daa yɪ sɛ Zezi Krisi dɪ á bɪcara maama, nɪnɛɛnɪ sɔtaant dɛɛn na jigi bɪsankwɪa dɪ kɪ swan dɪ gant Awa te tɪn. ⁴ Bɛɲwaant, nɔɔnɔ wɔdɔɲ na tu abam te yɪ o brɪ abam wəənu Zezi yɪrɪ ɲwaant yɪ tɪ ba tɔgɪ dɪbam zaasɪm dɪm, á yəni á sɛ mɔ mwalt mwalt. Á maa yəni á sɛ joro kɔlɔ na dat Wɛ Joro kum á na maɲɪ á jɔɲɪ tɪn, yɪ á daa ta sɛ kwər-ywəɲə kadoɲ, ka na dat Zezi kwər-ywəɲə kalɔ dɪbam na brɪ abam tɪn.

⁵ Kɔ na yɪ balɔ na pat ba yɪ Zezi tɪntɔɲna yɪ ba pa ba dwe maama tɪn, amɔ ye sɪ a wɔ muri ba yigə nɪ dɪ fɪnfɪn dɪ. ⁶ Amɔ na maɲɪ a wart a ɲɔɔnɪ nɪ bantɔ te, a swan vɪrɪ a ye kɔlɔ a na ɲɔɔnɪ tɪn, yɪ maɲa maama dɪ maa yəni dɪ pa á lwart nɪ dɪ jɪgɪ swan wɔɲo maama wɔnɪ jaja.

⁷ Amɔ na tu abam te a brɪ Wɛ kwər-ywəɲə kam tɪn, kɔ yɪ zaant mɔ a tɔɲɪ a pa abam. Amɔ tu a tɪtɪ sɪ kɔ pa abam mɔ na yɪrɪ. Á bɔɲɪ nɪ a kɪ a tusi mɔ na? ⁸ Amɔ dɛɛn na wɔ abam tee nɪ a tɔɲɪ kɔntɔ tɪn, a jɔɲɪ a ɲwɪrɔ je-gɛ mɔ Zezi nɔɔna bam tee nɪ, nɪnɛɛnɪ a vrɪ bantɔ mɔ sɪ a ma tɔɲɪ a pa abam te. ⁹ Amɔ na yəni a ga wɔɲo maɲa kam a na wɔ á tee nɪ tɪn, a ba yaart abam wɔlɔwɔlɔ. Kɔ nan yɪ dɪ ko-biə balɔ na nɲɪ Mastɔvanti ba ba tɪn mɔ jaant kɔlɔ maama a na lagɪ tɪn ba ba pa-nɪ. Amɔ dɛɛn na maɲɪ a ba yaart abam tɪn, a daa ta bá yaart abam. ¹⁰ Amɔ na jɪgɪ Zezi Krisi cɪga kam te tɪn, a na beeri a vu je dɪ je Akayi nɪ, nɔɔn-nɔɔnɔ bá want o cɪ amɔ yigə dɪ wɔpɔlo kɔlɔ a na jɪgɪ a ma tɔɔlɪ Wɛ kwər-ywəɲə kam zaant tɪn. ¹¹ Amɔ nan na kɪ kɔntɔ tɪn, kɔ brɪ nɪ a ba soe abam mɔ na? Wɛ nan ye nɪ amɔ soe abam.

¹² Amɔ nan ta wʊ ta tɔɲɪ zaant nɪ a na maɲɪ a kɪ te tɪn, sɪ kɔ pa balɔ na lagɪ sɪ ba brɪ ba tɪtɪ nɪ ba tɔɲɪ nɪ dɪbam te tɪn daa yɪ na cwəɲə ba brɪ ba tɪtɪ kɔntɔ.

¹³ Bantu na ki te tin, ku yi ba gant nɔɔna mu. Ba maa pat ba yi Zezi Krisi tuntɔɔna mu, yi ku nan yi vwan mu. ¹⁴ Kuntu nan dai wo-kɔnkagɔli. Sɔtaani tɔti wai di lani di bri ni di yi maleka kalu na jigi WE pooni tin mu. ¹⁵ Kuntu ɔwaaɔni ku ba cana si sɔtaani tuntɔɔna di lani ba bri ba tɔti ni ba yi tuntɔɔna balu na tɔgi WE cɔga kam tin. Ku kweelim je ni mu bantu nan wu ba na cam si ku maɔi di ba tɔtɔna na yi te tin.

Pooli na yaari te WE tɔtɔna yam ɔwaaɔni tin

¹⁶ Amu daa ta joori a loori abam si a yi buɔi ni amu yi joro mu. Abam nan na maɔi a buɔi ni a yi kuntu mu, si a kwaanɔ a ja a biɔara, si a wani a na cwɔɔa a bri a tɔti finfin ni bantu te. ¹⁷ Amu na lagi a ɔɔɔni te a ma bri a tɔti dagim tin, ku ba tɔgi di Yuutu wum wubɔɔna, ku nyi di jwɔrim mu te. ¹⁸ Nɔɔna zanzan nan na yɔni ba tɔgi nabiina wubɔɔna ba ma bri ba tɔti tin, amu di wai a bri kuntu doɔ. ¹⁹ Abam yɔni a se balu na yi jwɔru tin mwali mwali di wupolo, yi a pat ku yi swan mu a jiga. ²⁰ Abam yɔni a se wulu maama na tu abam te yi o jigi finfin naa o di nyɔɔɔni a baɔa ni tin, naa o na gant abam o vri tin, naa o na gooni abam tin, naa o na loe abam pupwaanu tin. ²¹ Ku nan na yi dibam, di bwana si di se di ki abam kuntu doɔ. Kuntu nan wu ta jigi cavura na?

Nɔɔnu nan na wu kwari cavura si o bri o tɔti di kulɔ o na ki tin, amu di ba kwari cavura si a ki kuntu doɔ, si a ɔɔɔni jwɔrim. ²² Bantu bri ni ba yi Zwifa cɔga cɔga mu, amu di nan sɔni a yi Zwifu mu. Bantu bri ni ba yi Yistrayeli tiina mu, amu di nan yi Yistrayeli tu mu. Ba wɔ ba kuri nuɔi Abraham dwi tiina wuni mu, amu di kuri nan nuɔi daani mu. ²³ Bantu bri ni ba tɔɔi Zezi Krisi tɔtɔna mu, amu nan tɔɔi-ya a dwe-ba. (Amu na ɔɔɔni

te tɪn nyɪ dɪ a yuu mu tərə te.) Amu na tʊŋɪ a pa Zezi te tɪn tiini ku cɛ a yɪra ku dwəni bantʊ. Ba jaant amu ba ki puɪna digə nɪ kuni zanzan ku dwəni bantʊ. Ba daa ta ma magɪ amu zanzan ku dwəni bantʊ. Amu dɛ tʊʊnɪ te kuni zanzan a kɛ. ²⁴ Zwifə yigə tiinə bam jaant amu kuni bɪnu ba magɪ balaart yi fiintɔ-nuɔɔ (39). ²⁵ Rom tiinə bam dɪ ma ja-nɪ kuni bɪtɔ ba magɪ dɪ da-lɔŋɔ. Maŋa kadoŋ nɪ nɔn-kɔɔɔ ma duɪ-nɪ dɪ kandwa sɪ ba ɔɔ. Kuni bɪtɔ mu a zu naboro a tɔɔɪ nɪnɪʊ kum wɔ, yɪ ku ba ku cɔɔɪ ku maŋɪ na bam wɔnɪ. Kuni bɪdwɪ mu amu dɪn na bam baŋa nɪ tɪtɪ dɪ wɪa maama. ²⁶ Amu na yəni a beeri maŋa maama tɪn, a nɛ cana zanzan, ku na yɪ dɪ bwɪ na su sɪ pɛɛɪ, dɪ vɪnɪrɪna tee nɪ, ku wəli dɪ amu tɪtɪ dwi tiinə Zwifə bam tee nɪ dɪ dwi-gɛ tiinə dɪ tee nɪ. Amu daa ta nɛ cana tɪnɪ dɪm wɔnɪ dɪ kagba wɔnɪ dɪ nɪnɪʊ kum wɔnɪ, ku ta wəli dɪ nɔɔna balɔ na pat ba yɪ dɪ ko-biə yɪ ba yagɪ ba dat tɪn tee nɪ. ²⁷ Amu yəni a tiini a tʊŋɪ zanzan ku cɛ a yɪra nɪ. Kuni zanzan ku ma pa a ba dɔ a sui. Kana dɪ na-nyɔm dɪ maa jaant-nɪ yɪ a puɪnɪ a tɪtɪ kuni zanzan. Waarɔ maa yəni tɪ zu-nɪ yɪ a ba jɪɔɪ gwaarɔ. ²⁸ Amu nan bá want a ta wənu tɪm maama a ti. Kulɔ nan na wəli da tɪn, Zezi nɔɔna bam na wɔ je sɪlɔ maama nɪ tɪn wɔbɔŋa mu tiini ya jɪɔɪ-nɪ dɛ maama. ²⁹ Nɔɔnɔ na bwənə wɛ cwəŋə kam tɔɔɪm wɔnɪ, ku cɔɔɪ amu wɔ mu nɪnɛɛnɪ ku yɪ amu tɪtɪ mu te. Nɔɔnɔ na tɪsɪ o yagɪ wɛ cwəŋə kam tɔɔɪm, ku yəni ku tiini ku cɔɔɪ a wɔ mu.

³⁰ Ku nan na fɪn sɪ a brɪ a tɪtɪ tɪn, amu wɔ brɪ a tɪtɪ dɪ wənu tɪlɔ na brɪ nɪ a bwənə tɪn mu. ³¹ Baŋa-wɛ ye nɪ amu ba fɔ vwan. Dɪnɪʊ mu yɪ dɪ Yuutu Zezi Ko, yɪ Dɪ maŋɪ dɪ zulə sɪ ku taa ve maŋa kalɔ na ba ti tɪn. ³² Amu dɛɛn na wɔ Damast tɪlɔ kum wɔnɪ tɪn, ɔɔvɪrma tu wɔlɔ na nii tɪlɔ kum o pa pɛ Arɪta tɪn mu tɪŋɪ nɔɔna tɪlɔ kum

niə yam ni, si ba yiri amv ba ja ba pa-o. ³³ Zezi karabiə bam ma kwe-ni ba ki titoḡo wvni, yi ba lə ḡuna kv ni ni ba pa a toḡi tiv kum kəbrə kam təkoro a tu yi a lu.

12

WE na vuri Pooli wənu tiv tin

¹ Kv nan fin mv si a bri a titi di kv na maḡi kv ba jigi nyovri di, yi a ta wv ta di Yuutu wvm na pe a yi na WE-sovov wənu tiv na səgi tin, didaanti o na me o ciga kam o ma vuri-ni te tin. ² Amv nan ye kovov wvov, o na yi Zezi Kriki kovov. Bina fugə-yana na ke tin, WE deen kwe-o Di ja Di di Di sovov. Amv nan yəri kv yi o yira titi mv naa o joro mv. WE nan mv ye kv na yi te tin. ³⁻⁴ Amv nan ye ni wvntv sivi o yi WE-sovov mv. Kv nan na yi o yira titi mv naa o joro mv, amv yəri, WE mv ye. Kv nan yi daanti mv o ni bitari siv na wari si kovov tin, yi si wv maḡi si nabiinu ta di o ni tin. ⁵ Amv wv ta ki wvpolo kovov wvm kvntv na ne kvlv tin ḡwaanti mv. Kv na dat kvntv a ba se si a bri a titi, kv na dat wənu tiv na bri ni a bwəne tin yiranti ḡwaanti. ⁶ Amv ya na buri si a bri a titi, kv ba ta yi jwərim a na te ciga tin ḡwaanti. A nan ba bri a titi kvntv. A ba lagi si kovov kovov buri kvlv na dwe amv tin o pa-ni, si o laan taa nii a tivva na yi te di a ni-taanti na yi te tin.

⁷ WE ba lagi si a ki kamunni di wo-kinkagla yalv zanzan a na ne tin. Mv kv kuri Di pe cam wv a yira wvni, ni sabari na zo-ni te tin. Sutaanti ma toḡi kv ḡwaanti si di yaari-ni, si a daa yi want a ki kamunni. ⁸ Kuni bitov mv a loori di Yuutu wvm si o li cam div kvntv a yira ni. ⁹ O maa wv se, yi o wv: «Amv zaanti div maḡi nmv. Beḡwaanti amv dam div wv tiini di tvi balv na bwəne tin tee ni mv.»

Mu ku kuri amu ki wupolo zanzan di wænu tɪɪ na bri ni a bwænə tɪn, si ku pa Zezi Krisi dam dɪm taa kwəlɪni. ¹⁰ Kuntɪ ɲwaantɪ mu, a na yəni a bwænə, naa nɔɔna na jɪɪ-ɪɪ ba twɪa, naa cam di bɛɛsɪm di liə na jɪɪ-ɪɪ, amu ta jɪɪ wupolo di kuntɪ maama Zezi Krisi ɲwaantɪ. Bɛɲwaantɪ, a na yəni a bwænə maɲa kalɪ tɪn, kantɪ maɲa ni mu Zezi pa-ɪɪ dam.

Pooli na li Korɛntɪ tiinə bam ɲwaantɪ te tɪn

¹¹ Amu na bri a tɪtɪ te tɪn yɪ jwərim mu, yɪ ku yɪ abam fɪfɪɪn ɲwaantɪ mu a ki kuntɪ. Ku yɪ abam mu ya maɲɪ si á bri amu cɪga kam. Ku yɪ cɪga mu ni amu dat kulɪkulɪ. Ku nan na yɪ balɪ na paɪ ba yɪ Zezi tɪntɪɲna yɪ ba pa ba dwe maama tɪn, a wɪ muri bantɪ yigə ni di fɪnɪɪn di. ¹² Amu dɛɛn na wɪ abam tee ni tɪn, amu tɪɲɪ di pu-dɪa mu, yɪ Wɛ ki wo-kɪnkagɪla di wænu tɪɪ maama na bri ni amu sɪɪɪ a yɪ Zezi tɪntɪɲnɪ tɪn. ¹³ Abam nan buɲɪ ni a wɪ ki abam lanyɪrɪntɪ ni a na ki Zezi nɔɔna bam je sɪdonnə ni te tɪn mu na? Ku nan yɪ cɪga mu ni a wɪ yaartɪ abam si á pa-ɪɪ zənə. Á nan yagɪ kuntɪ woɲo kɪm á ma cɛ-ɪɪ.

¹⁴ Amu na ti a yigə si a ba abam te lele kuntɪ tɪn, ku laan lagɪ ku ki kuni bɪtɔ mu. Amu nan daa ta bá yaartɪ abam si á pa-ɪɪ zənə. Ku nan dat á wænu naa á səbu mu a laga, ku yɪ á tɪtɪ mu. Ku yɪ kwə mu lagɪ wænu ba tɪɲɪ ba biə ɲwaantɪ, si ku dat biə mu wú ki kuntɪ ba pa ba kwə. Abam nan nyɪ di amu biə mu te. ¹⁵ Kuntɪ ɲwaantɪ mu amu wú ta jɪɪ wupolo si a kwe a wænu maama a cɔɪtɪ ku wəlɪ di a tɪtɪ yɪra abam ɲwaantɪ. Amu na tiini a soe abam te tɪn, ku maɲɪ si abam taá ba soe amu na?

¹⁶ Abam laan lwartɪ ni a dɛɛn ba yaartɪ abam amu zənə ɲwaantɪ. Nɔɔna badaara nan tɛ ni, amu ki swan mu a ma jɔɲɪ á səbiə. ¹⁷ Ku nan na yɪ amu na tɪɲɪ nɔɔna balɪ

maama abam tee ni tɪn, a wɔ tɔɔɔ ba wɔɔwɔɔ ɲwaanti a pini abam səbu. ¹⁸ Kɔ na yi Titi, a dɛɛn loor-o mu si o ba abam te, yi a tɔɔɔ dɪ ko-bu wɔɔɔ si o tɔɔɔ dɪd-o o ba. Titi nan wɔ pini abam kɔɔkɔɔ. Abam paɪ si Titi dɪ amɔ wɔɔɔɔ daɪ bɪdwi mu na? Dɪbam nan tɔɔɔ cwɔɔɔ dɪdɔa mu.

¹⁹ Abam bɔɔɔ ni dɪ na ɲɔɔɔ tɪntɔ maama tɪn, kɔ yi abam yigə ni mu dɪ ɲɔɔɔ si dɪ ma jɔɔɔ dɪ tɪtɪ na? Dɪ nan na ɲwi dɪ Zezi Krisi tɪn, kɔ yi Wɛ yigə ni mu dɪ ɲɔɔɔna.

A badon-sonnu-ba, dɪ na kɪ kɔɔ maama tɪn yi si dɪ zəni abam mu, si á vu yigə Wɛ cwɔɔɔ kam wɔɔɔ. ²⁰ Amɔ nan jɪɔ liə mu abam ɲwaanti si, a na tu abam te, abam bá ta yi ni amɔ na lagɪ te tɪn, yi kɔɔ pa amɔ dɪ bá ta yi ni abam na lagɪ te tɪn. Amɔ ta maa jɪɔ liə si á wú ta magɪ kantɔɔɔ daanti, yi á jɪɔ wɔ-gɔɔɔ dɪ ban-zɔɔɔ, yi á lagɪ á yɪratɔ zənə, yi á twɪ daanti, yi á yi bɪbartɔ-nyɪna, yi á gooni daanti, yi á kwəri á kɪ yɔɔ yɔɔ. ²¹ Amɔ daa ta jɪɔ liə mu dɪ abam si, amɔ na jooɪ a ba á te, amɔ Tu Wɛ wú pa a na cavɪra abam ɲwaanti, dɪ abam zanzan na wɔ ləni á wɔ dɪ lwarɪm dɪɔ á na maɔɔ á kɪ tɪn. Amɔ na nɛ kɔɔntɔ, kɔɔ pa a wɔ cɔɔɔ zanzan dɪ á ta na kɪ wo-digiru dɪ boorim kikiə dwi maama yi á ba yaɔɔ tɪn.

13

Pooli na kaanti KorEnti tiinə bam te o ma kweeli tɪn

¹ Amɔ na lagɪ a ba abam te lele tɪn, kɔ laan lagɪ kɔ kɪ kuni bɪtɔ mu. Wɛ tɔɔɔ kɔm nan tagɪ kɔ wɪ: «Nɔɔɔ na lagɪ si o saɔɔ o dɔɔɔ, kɔ maɔɔ si nɔɔɔna bale naa batɔ mu taa yi o maana tiinə.» ² Kɔɔntɔ ɲwaanti amɔ daa ta lagɪ a kaanti abam balɔ dɛɛn na maɔɔ á kɪ lwarɪm tɪn dɪ balɔ na daartɔ tɪn maama, si á ləni á wɔɔɔ dɪ á kəm-balwaarɔ tɪm. Amɔ daama na wɔ abam tee ni tɪn, a maɔɔ a kaanti

abam kuntu. Amv nan daa tæri abam tee ni lele kuntu, yi a lagɪ sɪ a ta kaanti abam, sɪ kv kɪ kuni bɪle. Kuntu ŋwaanti, taá ye-na ni, amv na joori a ba sɪ a na abam, nɔɔnɔ wɔlv maama daa ta na wɔ zagɪ o kikiæ tɪn bá lu. ³ Kuntu mv abam wɔ lwart ni kv sɪnti kv yi Zezi Krisi kwæræ mv a jɪgɪ a ŋɔɔna, ni abam na maɪt á lagɪ sɪ á lwart te tɪn. Zezi na kɪ abam te tɪn ba brɪ ni o bwænæ, o brɪ o dam mv abam titari ni. ⁴ Kv nan yi cɪga, o sɛ o tu o titɪ o ji nabwæm yi ba pa-o tɔvɔn-dagara baɲa ni. Kv daari o laan nan jɪgɪ ŋwɪa Wɛ dam dɪm ŋwaanti mv. Dɪbam na yi o nɔɔna tɪn, dɪbam dɪ bwænæ mv, dí nan na ŋwɪ dɪd-o tɪn, dí na wɔ kɪ te dɪ abam tɪn yi Wɛ dam dɪm ŋwaanti mv.

⁵ Abam nan maɪt sɪ á maanti á titɪ mv á nii, á jɪgɪ wɔ-dɪdɔa dɪ Zezi na. Abam na maanti á titɪ kuntu, á bá lwart ni Zezi Krisi wɔra dɪ abam na? Naa kv yi abam maɪt á titɪ mv yi á maɪt á ga? ⁶ Amv nan jɪgɪ tɪna sɪ á maanti á lwart ni dɪbam sɪnti dí yi Zezi Krisi tɪntɔɲna mv. ⁷ Dí yæni dí loori Wɛ dí pa abam, sɪ á yi taá kɪ lwartm mv. Kv dat ni dí lagɪ sɪ dí brɪ nɔɔna mv ni dí yi Zezi tɪntɔɲna. Dí nan lagɪ sɪ á taá kɪ kvlv na lana tɪn mv, dɪ nɔɔna na maɪt ba brɪ ni dɪbam mv tɔɲt dí ga dɪ. ⁸ Dɪbam bá sɛ sɪ dí kɪ kvlv na wɔ cɔgɪ Wɛ cɪga kam tɪn, dí wɔ ta kɪ te na wɔ zæni-ka tɪn mv. ⁹ Abam na jɪgɪ Wɛ dam dɪm, yi dɪbam na maɪt dí bwænæ, dí ta jɪgɪ wɔpolo. Dí nan wɔ ta loori Wɛ sɪ Dɪ zæni abam, sɪ á bɪ lanyɪrant Wɛ cwæŋæ kam wɔntɪ. ¹⁰ Kv yi kuntu ŋwaanti mv a pɔpɔnt wænu tɪntɔ a pa abam yi a tæri á tee ni, sɪ a na tu á te, sɪ a daa yi kɪ kæm-cɛɛrɪ dɪ abam dɪ dam dɪlv dí Yuutu wɔm na pɛ-nɪ tɪn. Dam dɪm kuntu yi sɪ a ma fɔgɪ abam mv, sɪ kv dat sɪ a ma cɔgɪ abam.

Pooli na jɔɔnt KorEnti tiinæ bam o ma kweeli te tɪn

¹¹ A ko-biə-ba, Wɛ wú pa á jəni lanyɪrantɪ. Kwaanɪ-na sɪ Wɛ wú pa á bɪ lanyɪrantɪ Dɪ cwəŋə kam wʊnɪ. Á nan kɪ-na nɪ amʊ na loori abam te tɪn. Á taá jɪgɪ wʊbʊŋ-dɪdwɪ, sɪ á daartɪ á taá jɪgɪ bɪcarɪ-zuru, sɪ Wɛ dɪlɔ na paɪ sono dɪ bɪcarɪ-zuru tɪn wú ta wʊ abam tee nɪ.

¹² Á na jeeri daantɪ, sɪ á taá jɔɔnɪ daantɪ lanyɪrantɪ dɪ sono dɪ wʊ-pɔŋɔ.

Wɛ nɔɔna bam maama jɔɔnɪ abam.

¹³ Dɪ Yuutu Zezi Kriɪ wú pa abam maama yu-yoŋɔ, Baŋa-Wɛ sono kʊm wú ta wʊ á tee nɪ, yɪ Dɪ Joro kʊm wú pa á taá ŋwɪ daantɪ dɪ ywəəni.

WƐ TƆnƆ dɪ kasɪm

Kasem (Kassem): WƐ TƆnƆ dɪ kasɪm New Testament

copyright © 1997 Wycliffe Bible Translators, Inc.

Language: (Kasem)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 14 Jun 2022 from source files dated 25 May 2022

993cfae5-b100-5981-87e7-5a648d773cb9